

2-over-1 licitacijski sistem by Karen Wilson

Uvod

Jedan od najpopularnijih sistema u USA je 2-over-1 forsing manše sistem. Baziran je na Standard American-u s 5-karatnim majorima. Glavna razlika je u značenju odgovora u boji na nivou 2 nakon otvora 1 u majoru.

Osnovni princip je kao što samo ime kaže : ako je prvi licit partnera otvarača nova boja na nivou 2 (1 pik od otvarača – 2 tref, 2 karo ili 2 herc od partnera otvarača), to je forsing situacija, partneri moraju licitirati do nivoa manše. To je različito od starijeg pristupa kod Standard American-a, gdje licit nove boje na nivou 2 obećava dobrih +10 poena, ali to nije forsing za manšu.

Osnovna prednost ovakvog sistema je što spašava licitacijski prostor. Nakon ostvarenja inicijalnog odgovora na nivou 2, partner otvarača nema potrebe za skakanjem da pokaže forsing manše situaciju, tako otvarač i partner otvarača imaju više prostora za izmjenu informaciju ispod nivoa manše.

Jedan od nedostataka ovog sistema što nema laganog načina za pokazivanje mnogih pozivnih listova od 10-11 poena. Za opisivanje ovakvih listova mora se koristiti Forsing 1NT konvencija, koja je ključni dio sistema.

Sistem 2-over-1 je mnogo kompleksniji nego što to na prvi pogled izgleda. Čak i ako osnovni princip zvuči poprilično jasno, licitacije mogu postati komplicirane, pogotovo kad ispitujuete slem mogućnosti. Forsing NT licitacija također može biti teška ukoliko čisto ne razradite sve moguće nastavke.

Osnovni 2-over-1 principi i definicije

2-Over-1 forsing manše je 'on' **samo** kad vaša strana otvori 1 herc ili 1 pik na prvoj ili drugoj poziciji i ako sljedeći protivnik pasira i partner otvarača licitira novu boju na nivou 2 bez skoka. Jedine relevantne situacije su :

1♥ – 2♣ 1♥ – 2♦ 1♠ – 2♣ 1♠ – 2♦ 1♠ – 2♥

2-over-1 značenja su 'off' kad :

- Nivo manše je definiran s 3NT ili bilo kojim licitom na nivou 4. ako je tvoja boja major, dogovor na nivou 4 znači da ste u manši. Primjetit ćemo, ako je dogovorena boja minor, **niste** forsirani da idete do 5 tref ili 5 karo. Čak i nakon 2-over-1 odgovora, vaša licitacija smije završiti u 4 u dogovorenom minoru
- 2-over-1 je samo jedan od načina za pokazivanje lista koji ima snagu manše. Niste dužni licitirati 2-over-1 sa svim rukama koje su snage forsinga manše.
- Igranje 2-over-1 sistema ne utječe na značenja ostalih licita. Liciti nove boje na nivou 1 i direktne podrške partnerove boje (jednostavna, limitirana ili forsing) imaju jednaka značenja kao u standardnoj licitaciji. Ostale konvencije i tretmani – jaki ili slabi skokovi s promjenom boje, Bergenove podrške, Jacoby 2NT, splinteri, New Minor Forcing itd. – mogu biti nadodani u vaš 2-over-1 sistem bez modifikacija.

2-over-1 varijacije

Postoje razni načini da stvorite strukturu vašeg 2-over-1 sistema. Većina koristi licitacijske pristupe koje su ponudili Mike Lawrence i Max Hardy. Ta dva pristupa su slična, ali oni se razlikuju u značenjima nekih otvaračevih rebida. Lawrence-ov sistem daje više izuzetaka na uvijek-forsing-manše pravilo. Ovdje je sažetak koji je većinom osnovan na Lawrence-vom pristupu.

Pitanja za postaviti vašem 2-over-1 partneru :

- Igraš li 'Hardy stil' ili 'Lawrence stil'? Većina preporuka ide na Lawrence stil
- Je li 1♦ - 2♣ forsing manše? **Preporuka** : NE.
- Je li Forcing 1NT konvencija negira snagu za otvor? **Preporuka** : DA.
- Garantira li otvaračev rebid boje otvora +6-karatnu boju (1♥-2♦-2♥)? **Preporuka** : NE.
- Pokazuje li otvaračeva podrška boje partnera otvarača dodatne vrijednosti (1♥-2♣-3♣)? Dodatna vrijednost bi trebala bit oko +16 poena i 4-karatna podrška. **Preporuka** : DA.
- Pokazuje li reverzni licit otvarača (1♥-2♦-2♠) dodatne vrijednosti? **Preporuka** : DA.
- Pokazuje li nova boja na nivou 3 (1♥-2♦-3♣) dodatne vrijednosti? **Preporuka** : DA.

- Ako partner otvarača ponovi svoju boju, je li to forsing? **Preporuka** : DA ukoliko želite držat sistem što jednostavniji (Hardy stil), **Preporuka** : NE ako želite fleksibilniju strukturu (Lawrence stil)

Napomena : u Hardy 2-over-1 sistemu, taj rebid je 100%-tni forsing. U Lawrence-ovom sistemu, partner može ostvariti 2-over-1 u minoru i ponoviti taj minor i pokazati 6-karatni minor i 10-11 poena. Taj rebid je pozivan i može biti pasiran je jedino u slučaju gdje otvarač nije pokazao dodatne vrijednosti, dakle kad je otvarač pokazao minimalni otvor. Ukoliko je otvarač pokazao dodatne vrijednosti, preko licita nove boje na nivou 3, preko reverza itd. u tom slučaju ponavljanje svoje boje je također forsing manše.

Prioriteti za vaš prvi licit

1. ostvari odgovarajuću podršku u partnerovom majoru ako imate 4-karatnu podršku (jednostavnu, limitiranu ili forsing podršku) **ILI** 3-karatnu podršku uz 5-10 poena (jednostavna podrška). Jedina ruka s podrškom s kojom **nećemo** ostvariti direktnu podršku je ona s 3-karatnom podrškom i uz dobrih +10 poena.
2. ako nemamo podršku, pokazat ćemo 4-karatni pik (1♠ na otvor 1♥)
3. ako imamo snagu za manšu, licitirat ćemo novu boju na nivou 2. 'Game forsing' je često +12 poena, ali to bi trebalo biti interpretirano kao svaki list koji bi bio otvoren **ili** koji vrijedi +12 poena zbog fita u partnerovoj boji. Nakon što partner otvori 1 u majoru (ako igrate Lawrence stil licit 2 u minoru pa 3 u minoru može značiti 6-karatnu boju i 10-11 poena) :
 - a. 2♣ ili 2♦ odgovor pokazuju +4-karatnu boju. U rijetkim slučajevima, 2♣ može biti uz 3-karatnu boju.
 - b. 2♥ odgovor (1♠ – 2♥) obećava +5-karatnu boju
4. uz sve ostale slučajeve (5-11 poena bez podrške **ILI** 10-11 poena uz 3-karatnu podršku) ostvarit ćemo Forsing 1NT konvenciju

Podrška partnerovog majora

Slijedi sažetak licitacijskih opcija u slučajevima kad imate +3-karatnu podršku za partnerove otvore 1♥ ili 1♠.

Uz balansirane listove :

- uz +3-karatnu podršku i uz 5-10 poena = direktna podrška (1♥ – 2♥)
- uz +4-karatnu podršku i uz 10-12 poena = direktni invitni poziv (1♥ – 3♥)
- uz 3-karatnu podršku i uz 10-11 poena = koristit ćemo Forsing 1NT konvenciju i nakon toga skočiti u major partnera na nivou 3
- uz 3-karatnu podršku i uz 12-13 poena = ostvarit ćemo 2-over-1 licit, nakon toga skočit ćemo u manšu u majoru otvora (ovo se može koristiti i kad imate 4-karatnu podršku za major otvora ako želite pokazati snagu u boji sa strane. Ali pazite, ukoliko skočimo u manšu u majoru nakon toga, bit će nemoguće uvjeriti partnera da imamo više od 3-karatne podrške).
- Uz 3-karatnu podršku i +14 poena = ostvarit ćemo 2-over-1 licit, nakon toga ćemo podržati major partnera na najnižem mogućem nivou : 1♥ – 2♣ – 2NT – 3♥
- Uz 3-karatnu podršku uz 15-17 poena i 4333 list (gdje je 4-karatna boja minor) = 3NT. Ova upotreba 3NT je poseban tretman koji nije standardan, to je dio koji treba raspraviti i dogovoriti s partnerom
- Uz +4-karatnu podršku i +13 poena = forsing podrška, Jacoby 2NT konvencija

Uz nebalansirane listove (uz singl ili šiken) :

- uz +3-karatnu podršku i uz 5-10 poena = direktna podrška (1♥ – 2♥)
- uz +4-karatnu podršku i uz 10-12 poena = direktni invitni poziv (1♥ – 3♥)
- uz 3-karatnu podršku i uz 10-11 poena = koristit ćemo Forsing 1NT konvenciju i nakon toga skočiti u major partnera na nivou 3
- uz 3-karatnu podršku i uz 12-13 poena = ostvarit ćemo 2-over-1 licit, nakon toga skočit ćemo u manšu u majoru otvora ako otvarač pokaže minimalan list
- Uz 3-karatnu podršku i +14 poena = ostvarit ćemo 2-over-1 licit, nakon toga ćemo podržati major partnera na najnižem mogućem nivou : 1♠ – 2♣ – 2NT – 3♠ ili ako partner rebidira svoju boju, možete pokazati podršku i singl preko Splinter licita : 1♠ – 2♣ – 2♠ – 4♦
- Uz +4-karatnu podršku i uz +13 poena = odmah Splinter licit

Daljnje opcije

Drugi licit otvarača

Česti nesporazumi u koncepciji o 2-over-1 licitima nastaju nakon forsing manše odgovora, niti jedan od partnera nije dužan skočiti da bi pokazao dodatnu vrijednost. To je samo napola točno. Osnovna vodilja je da partner otvarača nije dužan skočiti da bi pokazao jak list, otvarač ipak treba.

U većini 2-over-1 licita, partner je 'glavni' jer on ima više informacija o otvaračevoj ruci nego što otvarač ima o njegovoj. Kad partner otvarača ima jak list, on odabire forsing, rebidi na najnižem nivou da ostavi otvaraču prostor za daljnje informacije. Partner otvarača ima tendenciju da bude 'ispitivač' a otvarač je 'odgovarač'.

Ako otvarač licitira slabe i jake ruke na isti način, partner otvarača neće biti u mogućnosti napraviti inteligentan zaključak ili odluku o tome koliko visoko ići. Iz tog razloga, važno je da otvarač pokaže svoju snagu što je prije moguće. Da bi to izveo, otvarač ostvaruje **vrjednovane** licite – licitira niže s manje vrijednosti, a više uz veće vrijednosti.

- Da bi pokazao minimum – ostvaruje najniži rebid svoje boje ili bezadut
- Da bi pokazao dodatnu vrijednost – skače u svoju boju ili NT sa skokom ili licitira bilo koji licit na nivou 3
- Da bi pokazao balansiranih +18 – rebidira 2NT, zatim pokazuje dodatnu snagu licitirajući preko 3NT
- Licit nove boje na nivou 2 – to je prirodno, taj licit još uvijek ne definira snagu

Pretpostavimo, na primjer, da otvorite 1♠ uz : ♠ AKJ1087 ♥ AK2 ♦ KJ8 ♣ 7 i partner odgovori 2♣. Ako slijedite pravilo da nikad ne skaćete i ponovite 2♠, održat ćete licitaciju nisko, ali ste sakrili svoju snagu. Vrijedno je iskoristiti jedan dodatan nivo, ako to dobro opisuje vaš list, stoga je u ovoj situaciji ispravan licit 3♠.

Zapamtimo, iskoristit ćemo priliku da licitiramo nisko na najnižem mogućem nivou ukoliko imamo list kojeg je teško opisat s jednim licitom poput sljedećeg lista : ♠ AJ6543 ♥ AK2 ♦ KJ8 ♣ 7. ne želimo skočiti u 3♠ uz ovakvu pik boju, stoga 2♠ smatramo prikladnijim licitom, a ruku koja pokazuje dodatne vrijednosti pokazujemo kasnije.

Nakon 1♥ otvarača i 2♦ partnera otvarača, evo značenja drugih licita otvarača :

- Rebid majora 2♥ = minimalnih 12-14 poena, to može biti samo 5-karatna boja, ako vaš list nije pogodan za licit 2NT (slabost u nelicitiranim bojama) ili za licit nove boje
- 2♠ = dodatne vrijednosti uz +15 poena i 4-karatni pik
- 2NT = uz balansirani minimum 12-14 poena uz stopere u nelicitiranim bojama ILI uz balansiranih +18 poena
- licit 3 u novoj boji bez skoka 3♣ = dodatne vrijednosti uz +15 poena i uz +4 karte u boji
- podrška partnerove boje 3♦ = dodatne vrijednosti uz +16 igrajućih poena i uz +4-karatnu boju
- 3 u majoru otvara 3♥ = dodatne vrijednosti, oko 14-15 poena i jaka +6-karatna boja
- 3NT = dodatne vrijednosti, 15-17 balansiranih poena
- skok u novu boju 3♠ ili 4♣ = dodatne vrijednosti, dobra podrška i singl u licitiranoj boji
- skok u manšu 4♥ = minimum 11-13 poena uz dug solidan herc
- 4NT = Roman KeyCard Blackwood za herc

Drugi licit partnera otvarača

Partner otvarača licitira 'polako' kad pokazuje dodatne vrijednosti, dok koristi **fast arrival** licite kad imate minimum. Rebid na najnižem nivou u otvaračevoj boji ('polako' : 1♠ - 2♣ - 2NT - 3♠) pokazuje dodatne vrijednosti (+14 poena) i daje otvaraču više prostora za opis svog lista. Skok u manšu u otvaračevoj boji (1♠ - 2♣ - 2NT - 4♠) pokazuje minimum (oko 12-13 poena) bez interesa za slem.

Nakon 1♥ od otvarača - 2♦ od vas - 2♥ od otvarača, značenja vaših drugih licita su :

- minimalni licit otvaračeve boje (3♥) = dodatne vrijednosti, +14 poena uz 3-karatnu podršku
- skok u manšu (4♥ ili 3NT) = minimum uz 12-13 poena
- rebid svoje boje (3♦) = +6-karatna boja i pozivan licit (Lawrenceov pristup), dok ukoliko igrate Hardy pristup, ovaj rebid je nelimitiran i forsing
- nova boja (2♠ ili 3♣) = nelimitirano, može biti umjetno, pitanje otvaraču za više informacija
- skok u novu boju (3♠ ili 4♣) = Splinter podrška, obično 3-karatna i singl u licitiranoj boji

- 4NT = Roman KeyCard Blackwood, ako je otvaračev rebid bio 2NT, tad je 4NT kvantitativno

Otvaračev treći licit

Ako partner otvarača licitira tako da od otvarača traži više informacija o svom listu (1♥ - 2♦ - 2♥ - 2♠, 2NT ili 3♣), on negira 3-karatnu majorsku podršku. On često treba više informacija o otvaračevoj ruci, da bi izabrao konačni kontrakt. Da biste donijeli ispravnu informaciju, možete :

- rebidirati major (3♥) ako imate dobar 6-karatni major (pošto vaš 2♥ licit ne garantira 6-karatnu boju)
- skočiti u manšu u majoru (4♥) da pokažete jaku (ali obično ne i solidnu) +7-karatnu boju
- pokazati 3-karatnu podršku za minor partnera (3♦)
- licitirati 3NT (nakon 2NT) uz balansirani minimum
- licitirati bezadut (nakon partnerove nove boje) ako imate stopera u nelicitiranoj boji
- licitirati četvrtu boju ako imate +4 karte u toj boji, a nemate pogodnu ruku za bezadut

Ako je partnerov drugi licit bio podrška vašeg majora na najnižem nivou (1♥ - 2♣ - 2♥ - 3♥), partner tako pokazuje jaku ruku uz 3-karatnu podršku i ima najmanje želju za slemom. Vi možete :

- licitirati manšu (4♥) uz mrtvi minimum. Partnerov 3♥ nije 'zapovijed' za cuebid za vas.
- Cuebid nove boje (3♠ ili 4♣) da bi pokazali A i najmanje lagani interes za slem.
- Licitirati partnerovu boju (4♦) za pokazivanje fita i/ili visokog honera i interes za slem
- Licitirati 3NT za pokazivanje interesa za slem ali bez mogućnosti za cuebid. Ovo od partnera traži cuebid.
- Partnerova podrška na niskom nivou (1♥ - 2♣ - 2NT - 3♥) pokazuje najmanje dodatne vrijednosti, ali to nije zahtjev za cuebid. Otvarač će krenuti u cuebid samo onda ako nije mrtvi minimum.
- Ako otvarač ostvari rani cuebid u partnerovoj 2-over-1 boji (1♥ - 2♣ - 2NT - 3♥ - 4♣), to pokazuje fit kartu (A, K ili Q), obično uz osrednju podršku (dubl ili bolje). To ne obećava obavezno prvu kontrolu u boji.
- Drugi cuebid-ovi pokazuju prvu kontrolu u boji (A ili šiken). Licitirajte svoju najnižu kontrolu. Ukoliko s cuebidom 'preskočite' nelicitiranu boju, to negira kontrolu u toj boji. U sljedećoj situaciji : 1♥ - 2♣ - 2NT - 3♥ - 4♦, vaš 4♦ cuebid pokazuje da držite A karo ali i da ne držite A tref i A pik.
- Nakon što ste pronašli majorski fit (1♠ - 2♥ - 3♣ - 3♠), licit 3NT zahtjeva cuebid. To nije zahtjev za zadnji kontrakt.
- Kad cuebid-irate K, tretirajte singl kao drugu kontrolu, dakle poput K.
- U situacijama gdje nije potvrđen fit, licit nove boje na trećem nivou **nije** cuebid s pokazivanjem A. Umjesto toga, to interpretiramo kao pokušaj traženja najbolje manše. U situacijama poput : 1♥ - 2♦ - 2♥ - 3♣ - 3♠, nije dogovorena adutska boja, stoga 3♠ ne može biti cuebid. Ako držite pik vrijednosti, licitirat ćete ovdje 3NT, stoga je 3♠ u stvari pitanje partneru za pik stopera za bezadut.
- Ako je dogovorena boja major, neobičan skok u 4♠ (ako je dogovorena boja herc) ili skok na peti nivo može biti korišten kao Exclusion KeyCard Blackwood za dogovorenu majorsku boju. U sljedećoj situaciji : 1♥ - 2♦ - 2♥ - 4♠ ili 5♣ je Exclusion, pokazujući herc podršku i šiken u licitiranoj boji (skok u 3♠ ili 4♣ bi bio Splinter). Otvarač ne računa A u boji partnerovog šikena kad odgovara broj ključnih karata.
- Ako je dogovorena boja minor, svaki skok na četvrti nivo se može igrati kao Exclusion KeyCard Blackwood : 1♠ - 2♣ - 3♣ - 4♦ ili 4♥
- 4NT nije Blackwood ako :
 - ako je taj licit direktno nakon otvaračevog rebida 2NT ili 3NT, u tom slučaju 4NT je kvantitativno, tražeći od otvarača da licitira 6NT uz maksimalan broj poena (ili pass uz minimalan broj poena)
 - otvarač licitira 2NT, zatim 4NT na 3NT – to pokazuje balansiranih 18-19 poena
- u svim drugim situacijama 4NT je Roman KeyCard Blackwood za zadnju dogovorenu boju

Forsing 1NT konvencija

Forsing 1NT konvencija je integralni dio svakog 2-over-1 forsing manše sistema. Koristi se od partnera otvarača za opisivanje raznih tipova listova koji imaju manje od forsing manše vrijednosti (oko 5-11 poena).

Prvi licit partnera otvarača

Ako otvarač otvori 1♥ ili 1♠ i desni protivnik pasira, ostvarite svoje prirodne podrške ili licit na nivou 1 ako je to moguće. Uz druge listove, možete licitirati Forsing 1NT čime pokazujete :

- oko 5-11 poena
- bez 4-karatne boje koju možete pokazati na nivou 1 (1♠ odgovor na otvor 1♥)
- ruka bez 3-karatne podrške za otvaračev major (izuzetak : licitirajte prvo 1NT čime pokazujete 3-karatnu podršku i 10-11 poena)

Ukoliko igrate konstruktivne podrške (1♥-2♥ pokazuje 8-10 poena), također možete koristiti Forsing 1NT situacije za pokazivanje slabije 3-karatne podrške. U toj situaciji sljedeća sekvenca : 1♥ - 1NT - 2♣ - 2♥, partner pokazuje ili dubl herc ili 3-karatni herc uz čisti minimum (manje od 8 poena).

Otvaračev drugi licit

Nakon što otvorite 1♥ ili 1♠ i partner odgovori 1NT, morate licitirati ponovo da dozvolite partneru kompletni opis njegovog lista. Vaš rebid će pokazati vašu snagu i reći partneru ponešto o vašoj distribuciji lista. Ako imate dodatnu dužinu u majoru ili držite 4-karatnu boju sa strane, ostavit ćete prirodan i opisni list. Uz mnoge druge tipove listova, bit ćete prisiljeni licitirati 3-karatni minor. Evo popis opcija otvaračevih rebida :

12-15 poena :

- rebidirajte vaš major ako imate +6-karatnu majorsku boju
- licitirajte 2♥ (ukoliko ste otvorili 1♠ i držite 4-karatni herc)
- licitirajte 2 u dužem minoru u svim drugim slučajevima, to obećava +3-karatnu boju

16-18 poena :

- rebidirajte 3 u vašem majoru ako imate jaku 6-karatnu majorsku boju – to je pozivno, partner može pasirat
- recite 2NT uz balansirani ili polu-balansiranu ruku – pozivno
- ostvarite reverzni licit 2♣ (ukoliko otvorite 1♥ i držite 4-karatni pik) – forsing
- licitirajte 2 u dužem minoru uz sve druge listove – nije forsing

+18 poena :

- skočite u 3NT ako vam je ruka barem polu-balansirana
- ostvarite reverzni licit 2♣ (ukoliko otvorite 1♥ i držite 4-karatni pik) – forsing
- skok u 3 u novoj boji obećava +4-karatnu boju – forsing

Kad ponovite major ili licitirate bezadut vi pokazujete točno vašu poensku snagu. Ukoliko licitirate novu boju imate puno veći raspon poena. Nakon 1♠ - 1NT, vaš rebid 2♣, 2♦ ili 2♥ može biti ostvaren sa sve do 17 poena. Partner može pasirati taj licit, ali ako ima dobar list (oko +9 poena) bit će u mogućnosti licitirati ponovo i održati licitaciju otvorenu za otvarača. To će otvaraču dozvoliti da pokaže dodatnu snagu ako je ima.

Ukoliko imate 6-4 list

Nakon 1♠ - 1NT, imate dilemu kad držite list poput : ♠ KJ10854 ♥ K74 ♦ AJ83 ♣ 3. hoćete li pokazati dodatnu dužinu u piku ili ćete licitirati 4-karatnu karo boju?

Ukoliko imate čisti minimum, radije ćete zaželjeti ponoviti svoju majorsku boju, pogotovo ukoliko je 4-karatna boja minor. To vam limitira poenski list i pojednostavljuje daljnje licite. Ukoliko imate 6 pikova i 4 herca, može biti važno ubaciti drugi major u licitaciju, stoga ćete vašu odluku donijeti na osnovu kvalitete boje. Uz slb pik i dobar herc – list poput : ♠ K108654 ♥ KQ93 ♦ 42 ♣ A – rebidirajte 2♥.

Uz strašan list, +18 poena, možete ostvariti skok u novu boju da biste natjerali partnera da licitira ponovo. Problematična ruka je ona s srednjom snagom (oko 15-17 poena). Da biste pokazali ovakvu

snagu, licitirajte 2 u vašoj drugoj boji i nadajte se da će partner licitirati još jednom. Ako to uradi, moći ćete pokazati svoju snagu preko novog licita koji je pokušaj manše.

Na primjer, nakon 1♠ - 1NT, rebidirajte samo 2♠ uz : ♠ AQ9864 ♥ 73 ♦ 2 ♣ AJ82. ukoliko umjesto toga držite : ♠ AQ9864 ♥ A4 ♦ 2 ♣ AJ82, licitirajte 2♣. Ako partner ostvari preferencu 2♠, pozvat ćete manšu preko 3♠. Ako partner licitira 2♥, licitirat ćete 3♥. Ukoliko partner licitira 2♦, licitirat ćete 2♠ da pokažete dodatnu dužinu i snagu (partner će znati da imate dodatne vrijednosti uz 6 pikova jer bi uz minimum rebid bio 2♠).

Drugi licit partnera otvarača

Nakon otvaračevog rebida, pokazat ćete svoju snagu. Imate nekoliko načina za opisivanje listova u dva različita poenska ranga.

Uz slabu ruku (5-9 poena) :

- pass = pokazuje jasnu preferencu za tu boju. Ako je otvaračev rebid bio 2♣ ili 2♦, morate imati najmanje 4-karatnu boju da biste pasirali. Ako je otvaračev rebid bio 2♥ (nakon otvora 1♠), u tom slučaju možete pasirati uz 3-karatnu boju.
- Bijeg u otvaračev major na nivou 2 (1♠ - 1NT - 2♣ - 2♠) = preferenca uz dubl podršku
- Licit nove boje bez skoka (1♠ - 1NT - 2♦ - 2♥ ili 3♣) = duga boja (6-karatna boja na nivou 3, dobra 5-karatna boja na nivou 2)

Uz pozivnu ruku (10-11 poena) :

- 2NT = stoperi u nelicitiranim bojama, bez fita za otvaračev major
- skok u partnerov major (1♠ - 1NT - 2♣ - 3♠) = uz 3-karatnu majorsku podršku
- podrška otvaračevog majora (1♠ - 1NT - 2♣ - 3♠ ili 1♠ - 1NT - 2♥ - 3♥) = podrška
- podrška otvaračevog minora (1♠ - 1NT - 2♣ - 3♣) = +5-karatna podrška, nebalansirana distribucija (bez stopera za nelicitirane boje)
- licit 'nemogućih 2♠' (1♥ - 1NT - 2♣/♦ - 2♠) = slično 2NT licitu, ali uz dobru podršku za partnerov minor. Licit je 'nemoguć' (a stoga i umjetan) jer bi uz 4-karatni pik licitali 1♠ umjesto 1NT prvog licita da imate +4-karatni pik
- skok u novu boju (1♠ - 1NT - 2♣ - 3♦/♥) = jaka +6-karatna boja, pozivno (može biti čak i do 8 poena, ovisno o snazi same boje)
- 3NT ili 4 u partnerovom majoru = maksimalni odgovor (11 poena) ali list je recimo postao jači na osnovu rebida otvarača

Bilješke :

Forcing 1NT se koristi nakon što otvarač otvori 1♥ ili 1♠. Situacije 1♣ - 1NT i 1♦ - 1NT su prirodne i nisu forsing.

Forcing 1NT je off u kompetitivnom dijelu licitacije. Ako RHO licitira ili kontrira vaš 1NT odgovor se pretvara u prirodno značenje (7-10 uz stopera).

Ovaj zaključak predlaže da je 1NT odgovor forsing za jedan krug i negira forsing-manše vrijednosti. Neki parovi odabiru da igraju 1NT uz nelimitiran list od ruke kao nije pasirala prvi put. Drugi to igraju kao semi-forsing (otvarač može pasirati uz balansiranih 12-13 poena). To je već područje partnerskih diskusija.

Ako ste pasirali prije partnerov otvora 1 u majoru :

- 1NT odgovor je semi-forsing, otvarač ga može pasirati uz balansirani minimum
- ne možete forsirati manšu, partner smije pasirati svaki odgovor
- ako licitirate 2-over-1 u novoj boji, to bi uvijek trebalo biti +5-karatna boja, pošto partner može pasirati uz dubl. 1NT odgovor od passed hand uvijek negira podršku za partnerov major. Ukoliko imate 3-karatnu majorsku podršku, podržite major uz 5-9 poena, dok uz maksimalnu passed hand ruku koristite **Drury konvenciju**.